

Bosna i Hercegovina

Босна и Херцеговина



*Pravobranilaštvo Bosne i Hercegovine*  
*Праваобранилаштво Босне и Херцеговине*  
*Pravobraniteljstvo Bosne i Hercegovine*  
*Office of Attorney General of Bosnia and Herzegovina*



---

**SREDNJOROČNI PLAN**  
**PRAVOBRANILAŠTVA BOSNE I HERCEGOVINE**  
**ZA PERIOD 2023-2025. GODINE**

---

Sarajevo, septembar 2022. godina

## SADRŽAJ

Uvod.....	3
Strateški okvir .....	4
Mandat, misija i vizija .....	5
2.1 Mandat Pravobranilaštva Bosne i Hercegovine.....	5
4.2 Analiza snaga, slabosti, prilika i prijetnji-SWOT analiza.....	9
4.3.Srednjoročni, specifični cilj, programi i projekti .....	10
4.3.1 Srednjoročni cilj Pravobranilaštva Bosne i Hercegovine .....	10
4.3.2 Specificni cilj, programi i projekti.....	10
5. Resursi i kapaciteti potrebni za postizanje ciljeva .....	10
5.1. Predviđeni izvori finansiranja .....	10
5.2. Organizacioni kapaciteti .....	12
6.Okvir za praćenje sprovođenja plana i evaluaciju rezultata .....	12

**Dodatak Akcioni plan.**

## Uvod

Pravobranilaštvo Bosne i Hercegovine osnovano je radi vršenja poslova zaštite imovine i imovinskih interesa Bosne i Hercegovine i njenih institucija. Kao zakonski zastupnik Bosne i Hercegovine i njenih institucija pred sudovima i drugim nadležnim organima Pravobranilaštvo Bosne i Hercegovine predstavlja važnu polugu u zaštiti imovine Bosne i Hercegovine, a što zahtjeva konstantan posvećen rad i stalno prilagođavanje novim izazovima.

U cilju unapređenja rada Pravobranilaštva Bosne i Hercegovine, te stvaranja dobrog okvira za praćenja rezultata po pitanju ostvarivanja osnovne funkcije Pravobranilaštva Bosne i Hercegovine, Pravobranilaštvo Bosne i Hercegovine sačinilo je Srednjoročni plana rada za period 2023-2025.godine. U ovom planu definisani su osnovni ciljevi koje Pravobranilaštvo Bosne i Hercegovine namjerava ostvariti, te odgovarajući mehanizmi putem kojih će biti ispunjavani postavljeni ciljevi, kao kriterijumi praćenja ostvarivanja istih.

Istovremeno ovaj dokument predstavlja oblik komuniciranja sa nadležnim organima, zainteresovanom stručnom i drugom javnošću, kako bi se na jednoj strani istim približio rad Pravobranilaštva Bosne i Hercegovine, a s druge strane stvorila mogućnost za otvaranje plodonosne diskusije o osnovnoj ulozi Pravobranilaštva Bosne i Hercegovine, i načinima za unapređenja rada istog. Istovremeno tu su istaknute i sve teškoće sa kojima se Pravobranilaštvo Bosne i Hercegovine susreće u svom radu, sa izraženom nadom u prevazilaženje istih u planskom period.

U nadi da će ovaj dokument biti samo dobar osnov za daljnu nadgradnju, Pravobranilaštvo Bosne i Hercegovine donosi Srednjoročni plan Pravobranilaštva BiH za period 2023-2025.godina.

## Strateški okvir

Pravobranilaštvo Bosne i Hercegovine osnovano je Zakonom o Pravobranilaštvu Bosne i Hercegovine („Službeni glasnik Bosne i Hercegovine“ broj: 8/02, 10/02, 44/04, 109/09 i 47/14), kao organ nadležan za vršenje poslova zaštite imovine i imovinskih interesa Bosne i Hercegovine i njenih institucija.

Svoju osnovnu funkciju Pravobranilaštvo Bosne i Hercegovine (u daljem tekstu Pravobranilaštva BiH) vrši kroz obavljanje poslova zakonskog zastupanja Bosne i Hercegovine i njenih institucija pred sudovima i drugim nadležnim organima u Bosni i Hercegovini, kao i kroz obavljanje poslova pravnog savjetovanja institucija Bosne i Hercegovine, davanja mišljenja na ugovore imovinskopravne prirode koje zaključuju institucije Bosne i Hercegovine i druge zadatke propisane odredbama člana 13. Zakona o Pravobranilaštvu BiH.

Nadležnosti i rad Pravobranilaštva BiH određeni su naprijed navedenim Zakonom o Pravobranilaštvu BiH ali Pravobranilaštvo BiH u svakodnevnim aktivnostima zaštite imovine i imovinskih interesa Bosne i Hercegovine primjenjuje i druge propise, kojima se dodatno uređuje položaj Pravobranilaštva BiH u konkretnim slučajevima vršenja osnovne funkcije Pravobranilaštva BiH. Tako položaj Pravobranilaštva BiH u vršenju nadležnosti pred sudovima u drugim nadležnim organima određuju i Zakon o parničnom postupku pred Sudom Bosne i Hercegovine, Zakoni o parničnom postupku Republike Srpske i Federacije Bosne i Hercegovine, Zakon o izvršnom postupku pred Sudom Bosne i Hercegovine, Zakoni o izvršnom postupku Republike Srpske i Federacije Bosne i Hercegovine, Zakon o upravnim sporovima Bosne i Hercegovine, Zakon o upravnim sporovima Republike Srpske i Federacije Bosne i Hercegovine, propisi međunarodne procesne prirode, kojima se određuje položaj Pravobranilaštva BiH, kao zakonskog zastupnika Bosne i Hercegovine, u konkretnim slučajevima zaštite imovine i imovinskih interesa Bosne i Hercegovine u konkretnom slučaju.

Svi navedeni propisi zajedno čine fundamentalni strateški okvir koji određuje mandat Pravobranilaštva BiH i determiniše ciljeve u postupanju.

## Mandat, misija i vizija

### 2.1 Mandat Pravobranilaštva Bosne i Hercegovine

Zakonom o Pravobranilaštvu BiH osnovano je Pravobranilaštvo BiH kako bi se omogućilo da Bosna i Hercegovina raspolaže s efikasnom zaštitom imovine i imovinskih interesa.

Predmetnim Zakonom Pravobranilaštvu BiH date su sljedeće nadležnosti:

1. Pravobranilaštvo BiH vrši poslove pravnog savjetovanja i zakonskog zastupanja Bosne i Hercegovine pred sudovima i drugim organima u Bosni i Hercegovini i inostranstvu.

2. Pravobranilaštvo BiH vrši poslove pravne zaštite imovine i imovinskih interesa Bosne i Hercegovine, njenih institucija i drugih organizacija Bosne i Hercegovine koje se finansiraju iz budžeta institucija Bosne i Hercegovine (u daljem tekstu: i drugih organizacija Bosne i Hercegovine).

3. Pravobranilaštvo BiH zastupa Vijeće ministara Bosne i Hercegovine pred Ustavnim sudom Bosne i Hercegovine.

4. Poslove zastupanja Bosne i Hercegovine i institucija iz stava 2. ovog člana Pravobranilaštvo BiH naročito i bez oduzimanja od prethodne opće odredbe, vrši pred Sudom Bosne i Hercegovine, i institucijama Bosne i Hercegovine u upravnom postupku, pred sudovima i drugim organima u entitetima, kao i pred Sudom Brčko Distrikta Bosne i Hercegovine i organima uprave u Brčko Distriktu Bosne i Hercegovine u upravnim stvarima, u skladu sa zakonom Bosne i Hercegovine.

5. Pravobranilaštvo BiH može zastupati pravna lica iz stava 2. ovog člana koja su tužena u upravnom sporu ako ga ona na to ovlaste.

6. Pravobranilaštvo BiH zastupa Bosnu i Hercegovinu, njene institucije i organizacije iz stave 2. ovog člana i pred međunarodnim sudovima, sudovima drugih država, međunarodnim arbitražama i organima drugih država i pred arbitražom koja je predviđena članom VII sporazuma između država članica Sjeveroatlanskog ugovora o pravnom položaju njihovih snaga, odnosno Sporazuma između Sjeveroatlanskog ugovora i ostalih država koje učestvuju u Partnerstvu za mir o pravnom položaju njihovih snaga (PfP/NATO SOFA).

7. Ako po propisima strane države Pravobranilaštvo ne može neposredno zastupati Bosnu i Hercegovinu, njene institucije organizacije iz stave 2. ovog člana pred arbitražama, tribunalima i drugim državnim organima i organizacijama, Vijeće ministara ovlastiti će osobu koja će vršiti zastupanje, u skladu s propisima te države.

8. Pravobranilaštvo BiH, po njihovom zahtjevu, može zastupati i entitete Bosne i Hercegovine - Federaciju Bosne i Hercegovine i Republiku Srpsku (u daljem tekstu: entiteti) i Brčko Distrikt Bosne i Hercegovine pred inozemnim sudovima, arbitražama, tribunalima i drugim inozemnim državnim organima i organizacijama.

9. Ako Pravobranilaštvo BiH treba po zakonu da zastupa stranke čiji su interesi u suprotnosti, a jedna od njih je Bosna i Hercegovina, Pravobranilaštvo zastupa Bosnu i Hercegovinu.

10. U slučaju da Pravobranilaštvo treba po zakonu da zastupa stranke čiji su interesi u suprotnosti, a nijedna od tih stranaka nije Bosna i Hercegovina, Pravobranilaštvo neće zastupati nijednu stranku.

11. U vršenju poslova zastupanja Pravobranilaštvo BiH je ovlašteno da preuzima sve radnje koje preuzima stranka u postupku, u skladu sa zakonima Bosne i Hercegovine, zakonima entiteta i zakonima Brčko Distrikta Bosne i Hercegovine.

12. Institucije Bosne i Hercegovine, javne agencije, javne korporacije i organizacije iz stava 2. ovog člana utvrđene zakonom Bosne i Hercegovine dužne su blagovremeno obavijestiti Pravobranilaštvo BiH o slučajevima u kojima je ono ovlašteno da ih zastupa i ulaže pravna sredstva i preuzima druge zakonom određene pravne radnje i da mu dostave svu potrebnu dokumentaciju.

13. Pravobranilaštvo BiH preuzima pravne radnje i sredstva za ostvarivanje funkcije iz stava 2. ovog člana i na vlastitu inicijativu.

14. Pravobranilaštvo BiH pruža stručnu pomoć institucijama Bosne i Hercegovine, javnim agencijama, javnim korporacijama i drugim organizacijama Bosne i Hercegovine utvrđenim zakonom Bosne i Hercegovine u rješavanju imovinsko-pravnih pitanja i daje mišljenja u vezi sa zaključivanjem ugovora imovinsko-pravne prirode (u daljem tekstu: mišljenja).

15. Institucije i organizacije iz stava 2. ovog člana dužna su pribaviti mišljenje Pravobranilaštva BiH prije zaključenja ugovora o kupoprodaji, zamjeni, zakupu, prijenosu na privremeno ili trajno korištenje stvari, uz naknadu ili bez naknade, ugovora o koncesiji, ugovora o građenju i udruživanju sredstava za građenje, kao i drugih ugovora kojima se raspolaže stvarima, odnosno materijalnim pravima ili pribavljaju stvari u svojini Bosne i Hercegovine osim ako je vrijednost predmeta takvog ugovora ispod vrijednosti od 10.000,00 KM.

16. Zaključeni ugovor imovinsko-pravne prirode pravna lica iz stava 15. ovog člana dužna su dostaviti Pravobranilaštvu BiH u roku od 15 dana od dana zaključivanja ugovora.

17. Ako Pravobranilaštvo BiH smatra da je zaključeni Ugovor ništavan, podnijeće Sudu Bosne i Hercegovine tužbu za utvrđivanje ništavosti, a u slučaju da ugovorena cijena ne odgovara prometnoj vrijednosti-tužbu za raskid ili izmjenu ugovora.

18. Na traženje Pravobranilaštva BiH u entitetima i Brčko Distriktu Bosne i Hercegovine, Pravobranilaštvo daje mišljenje o imovinsko-pravnim ugovorima koje entiteti i Brčko Distrikt Bosne i Hercegovine i njihovi organi namjeravaju zaključiti sa stranim pravnim licima.

19. U postupku donošenja zakona i drugih propisa kojima se uređuju imovinsko-pravni odnosi, a stiču prava i stvaraju obaveze prema stvarima u vlasništvu Bosne i Hercegovine, obavezno se pribavlja mišljenje Pravobranilaštva BiH.

20. Ako Pravobranilaštvo BiH smatra da ne treba pokrenuti postupak pred sudom ili drugim organom ili treba povući tužbu ili se odreći tužbenog zahtjeva, priznati zahtjev protivne stranke ili zaključiti poravnanje, zatražit će od subjekta kojeg zastupa stav o daljem postupanju. Ako se ne postigne saglasnost u mišljenju ili ako subjekat koji je zastupan ne odgovori u određenom roku, konačnu odluku donosi Kolegijum Pravobranilaštva BiH i o tome obavještava subjekat kojeg zastupa.

## **2.2 Misija**

Misija Pravobranilaštva Bosne i Hercegovine je permanentno preduzimanje zakonom predviđenih pravnih radnji u cilju zaštite imovine i imovinskih interesa Bosne i Hercegovine.

## **2.3 Vizija**

Vizija Pravobranilaštva Bosne i Hercegovine jeste visokostručno vršenje zastupanja i pravnog savjetovanja Bosne i Hercegovine i njenih institucija u cilju ostvarenja zaštite imovine i imovinskih interesa Bosne i Hercegovine, te jačanje uloge i značaja Pravobranilaštva BiH kao državne institucije od izuzetnog značaja za zaštitu imovine i imovinskih interesa BiH.

## **Učesnici i partneri**

U svom radu Pravobranilaštvo BiH blisko saraduje sa nadležnim institucijama Bosne i Hercegovine. Takođe, vršeći nadležnost zakonskog zastupnika Bosne i Hercegovine i njenih institucija Pravobranilaštvo Bosne i Hercegovine ima svakodnevnu saradnju sa nadležnim sudovima u Bosni i Hercegovini, pred kojima vrši poslove iz svoje nadležnosti. Nadalje, obavljajući poslove zakonskog zastupnika Bosne i Hercegovine i njenih institucija Pravobranilaštvo Bosne i Hercegovine postupa i pred međunarodnim arbitražnim sudovima, te ostvaruje i potrebnu blisku saradnju sa nadležnim entitetskim Pravobranilaštvima, kao i drugim nadležnim organima entiteta.

## **Osnovna programska opredjeljenja-Ciljevi rada**

Pravobranilaštvo BiH za period 2023-2025.godina, predvidjelo je ostvarenje srednjoročnog cilja Unapređenje zaštite imovine i imovinskih interesa Bosne i Hercegovine, koji cilj proizilazi iz odgovarajućeg strateškog okvira Pravobranilaštva BiH. Realizacija srednjoročnog cilja ostvariće se kroz implementaciju specifičnog cilja definisanog kao Unapređenje zaštite imovine i imovinskih interesa Bosne i Hercegovine, a koji cilj u potpunosti proizilazi iz mandata Pravobranilaštva BH. Konačno, implementacija navedenog specifičnog cilja Pravobranilaštva BiH biće ostvarena kroz provodjenje odgovarajućih programa i projekata.

## **Analiza stanja**

Osnovano u cilju obezbjeđivanja Bosni i Hercegovini mogućnosti da raspolaže efikasnom zakonskom zaštitom i zastupanjem u pogledu zaštite njenih Ustavom utvrđenih nadležnosti, interesa i prava, Pravobranilaštvo BiH je u svom dosadašnjem radu kontinuirano vršilo stručnu i profesionalnu zaštitu imovine i imovinskih interesa Bosne i Hercegovine. Iza Pravobranilaštva BiH je dugačak i složen put koji se sastojao u zastupanju institucija Bosne i Hercegovine pred nadležnim sudovima, kako u Bosni i Hercegovini, tako i u zemljama regiona. Osim ovog značajnog iskustva, Pravobranilaštvo BiH je učestvovalo ili učestvuje kao zakonski zastupnik Bosne i Hercegovine pred međunarodnim arbitražnim sudovima, dajući značajan doprinos zaštiti imovine i imovinskih interesa Bosne i Hercegovine u ovim postupcima na međunarodnom planu. Takođe, rad Pravobranilaštva BiH obilježilo je i kontinuirano postupanje u postupcima davanja pravnih mišljenja, kako po pitanju ugovora imovinskopravne prirode koji su namjeravale zaključiti institucije BiH, tako i u pogledu različitih pravnih savjeta koje su davani institucijama BiH, čime je Pravobranilaštvo BiH svojim pravnim savjetima pokušavalo da permanentno unapređuje zaštitu imovine Bosne i Hercegovine.

Cjelokupan proces rada Pravobranilaštva BiH i obavljanja ovih važnih poslova vrši se u okviru organizacione strukture utvrđene Pravilnikom o unutrašnjoj organizaciji Pravobranilaštva BiH iz 2005. godine (izmjenjen 2009. godine). Funkciju Pravobranilaštva BiH, u skladu sa zakonom, vrše Pravobranilac i dva zamjenika pravobranioca, kao i devet (9) pomoćnika pravobranioca, čiji je broj utvrđen Pravilnikom o unutrašnjoj organizaciji. Materijalno-finansijsku i administrativno-tehničku pomoć nosiocima Pravobranilačke funkcije vrši organizaciona jedinica administracije Pravobranilaštva BiH. Obzirom na izazove koji stoje pred Pravobranilaštvom BiH, treba naglasiti da potrebe Pravobranilaštva BiH sve više prevazilaze postojeću organizacionu strukturu. To sa sobom povlači potrebu djelovanja u pravcu postavljanja temelja za novu organizacionu strukturu, koja će odgovoriti svim izazovima koji stoje pred Pravobranilaštvom BiH. Navedeno podrazumijeva izmjenu postojećeg Zakona o Pravobranilaštvu BiH, kao i izmjenu Pravilnika o unutrašnjoj organizaciji Pravobranilaštva BiH, a što bi dovelo do kvalitetnijeg pozicioniranja Pravobranilaštva BiH u sistemu institucija Bosne i Hercegovine. Naravno, sve to mora pratiti kadrovsko i materijalno-tehničko jačanje Pravobranilaštva BiH. U suprotnom, postavlja se pitanje objektivne mogućnosti Pravobranilaštva BiH da na efikasan način odgovori svim izazovima koje donosi buduće vrijeme. Takođe, imajući u vidu ulogu Pravobranilaštva BiH, da bi funkcija Pravobranilaštva BiH bila vršena zarad najefikasnije zaštite imovine Bosne i Hercegovine, biće potrebni odgovarajući normativni zahvati po pitanju donošenja odgovarajućih propisa, prije svega u oblasti državne imovine. Bez normativnog uređivanja ovog pitanja, mogućnosti rada Pravobranilaštva BiH na zaštiti državne imovine su bitno smanjene, a u nekim slučajevima i potpuno isključene, kako u Bosni i Hercegovini, tako i na međunarodnom planu. Sve navedeno čini poziciju Pravobranilaštva BiH u narednom periodu dosta složenom i zahtjevnom, i traži zajednički rad Pravobranilaštva BiH i drugih nadležnih organa, u cilju stvaranja potrebnih pretpostavki za prevazilaženje svih teškoća, te formiranja dobrog osnova za kvalitetno vršenje osnovne dužnosti Pravobranilaštva BiH. Naravno, Pravobranilaštvo BiH će nastaviti da snažno radi na ostvarivanju svojih nadležnosti, angažujući sve raspoložive resurse i ulažući potrebne napore u svrhu što uspješnije zaštite imovine i imovinskih interesa Bosne i Hercegovine, kao fundamentalnog cilja.



## 4.2 Analiza snaga, slabosti, prilika i prijetnji-SWOT analiza

SWOT analiza predstavlja koristan način rezimiranja odnosa između uticaja iz okruženja i ključnih nadležnosti, te u velikoj mjeri pomaže oblikovanju srednjoročnog plana rada Pravobranilaštva BiH. Cilj analize je da osigura korisne uvide, koji će omogućiti da strategija iskoristi utvrđene snage i svede na minimum najamnjnu moguću mjeru ili u potpunosti otkloni slabosti, kao i iskoristi prilike i izbjegne ili umanjiti prijetnje. Navedeno je izraženo u tabeli A.

Tabela A

Snage	Slabosti
<p>Relativna samostalnost u radu, visokokvalifikovan stručni kadar nosilaca pravobranilačke funkcije, uspostavljena uspješna saradnja sa nadležnim organima, sigurnost finansiranja.</p>	<p>Nedovoljna kadrovska popunjenost, neodgovarajuća struktura radnjih mjesta obzirom na obim i vrstu poslova.</p>
Prilike	Prijetnje
<p>Učešće u izmjenama zakonske regulative,  edeukacija i razvoj zaposlenog osoblja kroz seminare i radionice,  popunjenost radnih mjesta.</p>	<p>Potencijalno neadekvatne izmjene zakona mogu uticati na uspješno vršenje funkcije Pravobranilaštva Bosne i Hercegovine  neodgovarajuća struktura radnjih mjesta obzirom na obim i vrstu poslova,  dugogodišnje neusvajanje novog Pravilnika o unutrašnjoj organizaciji što onemogućava prilagođavanje organizacione strukture novim poslovnim izazovima, određeno nerazumjevanje nadležnih organa u pogledu uloge i značaja Pravobranilaštva Bosne i Hercegovine.  Pravobranilaštvo Bosne i Hercegovine, ne može uticati na okončanje svih predmeta jer se postupci rješavaju na nadležnim sudovima, odnosno veliki je broj predmeta, koji se rješavaju na drugom stepenu po žalbi i nisu konačni, što utiče na procentualne pokazatelje riješenih predmeta,  politički uticaji na rad .</p>

#### 4.3.Srednjoročni, specifični cilj, programi i projekti

##### 4.3.1 Srednjoročni cilj Pravobranilaštva Bosne i Hercegovine

U skladu sa osnovnim mandatom Pravobranilaštva BiH srednjoročni cilj Pravobranilaštva BiH za period 2023-2025.godina definisan je kao unapređenje zaštite imovine i imovinskih interesa Bosne i Hercegovine.

Realizacija srednjoročnog cilja Pravobranilaštva BiH zasniva se na realizaciji jednog specifičnog cilja, kao i provođenju odgovarajućeg programa i projekata.

##### 4.3.2 Specifični cilj, programi i projekti

U skladu sa postavljenim srednjoročnim ciljem, Pravobranilaštvo BiH je u skladu sa svojim mandatom razvilo jedan specifični cilj, a koji glasi:

Unapređenje zaštite imovine i imovinskih interesa Bosne i Hercegovine.

Kako bi postavljeni cilj bio realizovan Pravobranilaštvo BiH je utvrdilo jedan program i tri projekta, kroz čije provođenje bi trebalo ostvariti postavljeni cilj.

Definisani program "Zaštita imovine i imovinskih interesa Bosne i Hercegovine", obuhvata tri projekta:

1. Zastupanje Bosne i Hercegovine i njenih institucija pred sudovima i drugim nadležnim organima,
2. Davanje pravnih mišljenja,
3. Uvođenje i implementacija informacionog Sistema upravljanja predmetima Pravobranilaštva BiH i praćenja prihoda Pravobranilaštva BiH.

### 5. Resursi i kapaciteti potrebni za postizanje ciljeva

#### 5.1. Predviđeni izvori finansiranja

Polaznu osnovu za procjenu troškova programa i projekata unutar definisanog cilja Srednjoročnog plana rada Pravobranilaštva BiH za 2021. – 2023.godine predstavlja Dokument okvirnog budžeta (DOB-a) za navedeni period.

Dokument okvirnog budžeta Pravobranilaštva Bosne i Hercegovine sastoji se od jednog budžetska programa definisana na nivou organizacijskih jedinica : 0330130 Program nosioca pravobranilačke funkcije 0330140 Administrativno-tehnička i materijalno-finansijska potpora.

Za realizaciju programa i pripadajućih projekata, a u cilju implementacije postavljenog srednjoročnog i specifičnog cilja definisanih Srednjoročnim planom rada Pravobranilaštva BiH u DOB-u za period 2023.-2025.godine planirano je ukupno 5.057.000,00 KM (za 2023.godinu 1.856.000,00 KM, za 2024.godinu 1.607.000,00 i za 2025.godinu 1.607,000,00)

U skladu sa nadležnostima utvrđenim Zakonom o Pravobranilaštvu BiH, pored dužnosti da zastupa BiH i njene institucije pred sudovima i drugim nadležnim organima, jedna od nadležnosti je i za zastupanje Bosne i Hercegovine i njenih insitucija pred međunarodnim arbitražama. U svrhu ostvarenja specifičnog cilja 1. u Dokumentu okvirnog Budžeta za 2023-2025.godinu planirali smo troškove finansiranja međunarodnih sporova i arbitraža u ukupnom iznosu od 335.000,00 KM za svaku godinu (od cega za pravne usluge 280.000.00 KM, izdatke za komisije - za članove pregovaračkog tijela 35.000.00 KM i za putne troskove 20.000.00 KM). Želimo napomenuti da se ova sredstva za potrebe arbitraža mogu isključivo koristiti za potrebe arbitražnog zastupanja. Korištenje u bilo koje druge svrhe je zabranjeno. Neurošena sredstva biće vraćena MFiTBiH. Za potrebe provođenja aktivnost Pravobranilaštva BiH planirali smo prihode u iznosu od 200.000,00 KM (200.000,00 KM za svaku godinu) po osnovu postupaka Pravobranilaštva. Pod troškovima postupaka podrazumijevaju se troškovi postupka (parničnog, krivičnog ili izvršnog postupka) vođenog pred Sudom Bosne i Hercegovine i drugim sudovima koji su dosuđeni za uplatu na osnovu pravomoćnih sudskih presuda ili rješenja. Troškovi postupka se uplaćuju na Jedinstveni račun trezora u skladu sa Naredbom o uplatnim računima za administrativne takse donesenom od strane Ministarstva finansija i trezora Bosne i Herceg Sva sredstva iz stava predstavljaju prihod Pravobranilaštva BiH. Za Kapitalne izdatke planirali smo za 2023.godinu u iznosu od 249.000.00 KM slj. sredstva: iznosu od 40.000,00 KM za nabavku opreme (obzirom da je na snazi privremeno finansiranje vec niz godina planirana su veca sredstva),

-za nabavku tri službena vozila planirali smo sredstva u iznosu od 130.000,00 KM (prema članu 3. stav (1) Pravilnika o uslovima nabavke i načinu korištenja službeni vozila u Institucijama BiH ). Također, planiran je prihod od prodaje vozila u iznosu od 21.000,00 KM.

- za finansiranje II FAZE projekta planirali smo za softwer 100.000,00 KM. Planirali Kapitalni izdaci su na nivou zahtjeva za 2021./2022. godinu (izuzev dijela planirane opreme) i ukoliko se isti odobri u Budzetu za 2022.godinu sredstva nećemo prikazivati u Zahtjevu za dodjelu sredstava za 2023.godinu.

## 5.2. Organizacioni kapaciteti

Pravobranilaštvo BiH trenutno upošljava 18 zaposlenih, od ukupno 23 sistematizovana radna mjesta prema Pravilniku o unutrašnjoj organizaciji.

Unutrašnja organizacija Pravobranilaštva BiH je utvrđena Pravilnikom o unutrašnjoj organizaciji Pravobranilaštva BiH broj PBiH: 54/05 od 8.03.2005.godine i izmjenama i dopunama Pravilnika o unutrašnjoj organizaciji Pravobranilaštva BiH od 2009 godine. U skladu sa postojećim Pravilnikom o unutrašnjoj organizaciji Pravobranilaštvo BiH trenutno radi sa 18 izvršilaca. Članom 9. Pravilnika o unutrašnjoj organizaciji u Pravobranilaštvu Bosne i Hercegovine (broj: 204/04 od 08.03.2005. godine) predviđeno je 9 pomoćnika pravobranioca koji, u skladu sa Zakonom o Pravobranilaštvu BiH, vrše poslove iz osnovne djelatnosti ovog Pravobranilaštva (zakonsko zastupanje i pravno savjetovanje BiH i njenih institucija). U konkretnom se radi o najsloženijim normativno-pravnim i studijsko-analitičkim poslovima. Trenutno je popunjeno 6 (šest) pozicija pomoćnika pravobranioca. Posljednjih godina, pored zastupanja u parničnim, izvršnim i upravnim predmetima, u Pravobranilaštvo BiH radi i na predmetima međunarodnih arbitraža koje se vode pred inostranim arbitražnim sudovima. Radi se o međunarodnim investicionim sporovima, koji predstavljaju najsloženije pravne postupke izuzetne imovinske vrijednosti. Imajući to u vidu, kao i rješenja usvojena u Zakonu o parničnom postupku pred Sudom Bosne i Hercegovine ("Službeni glasnik BiH" broj 36/04, 84/07, 58/13 i 94/16) kojima je Pravobranilaštvu BiH utvrđena nadležnost mirnog rješavanja spora prije podnošenja tužbe protiv Bosne i Hercegovine, jasno je da je u cilju adekvatne pravne zaštite imovine i imovinskih interesa BiH u budućnosti potrebno dodatno kadrovsko jačanje ovog Pravobranilaštva BiH.

## 6. Okvir za praćenje sprovođenja plana i evaluaciju rezultata

Za definisane ciljeve, kao i osmišljene programe i projekte, utvrđeni su i odgovarajući pokazatelji uspjeha i rezultata, kroz čije praćenje će biti procjenjen stepen ostvarenja postavljenih ciljeva i realizacija programa i projekata.

Pokazatelji su određeni kako slijedi:

Za praćenje uspješnosti ostvarenja srednjoročnog cilja Pravobranilaštva BiH određen je pokazatelj uspjeha broj riješenih predmeta u korist Bosne i Hercegovine u odnosu na ukupan broj riješenih predmeta.

U svrhu praćenja uspješnosti ostvarenja specifičnog cilja Pravobranilaštva BiH definisanog kao Unapređenje zaštite imovine i imovinskih interesa Bosne i Hercegovine, uzet je pokazatelj uspjeha broj riješenih predmeta u korist Bosne i Hercegovine u odnosu na ukupan broj riješenih predmeta.

Za program koji služi ostvarenju ciljeva Pravobranilaštva BiH određen kao Zaštita imovine i imovinskih interesa Bosne i Hercegovine, kao pokazatelj ostvarenih rezultata utvrđen je procenat riješenih predmeta u odnosu na ukupan broj predmeta u radu.

U okviru programa utvrđenih projekata definisani su sljedeći pokazatelji:

Projekat 1. Zastupanje Bosne i Hercegovine i njenih institucija pred sudovima i drugim nadležnim organima- procenat riješenih predmeta u odnosu na ukupan broj primljenih predmeta u radu u toku godine


Projekat 2. Davanje pravnih mišljenja-procenat datih mišljenja u odnosu na ukupan broj podnesenih zahtjeva za mišljenja

Projekat 3. Uvođenje i implementacija informacionog Sistema upravljanja predmetima Pravobranilastva Bosne i Hercegovine i Sistema praćenja prihoda Pravobranilaštva BiH- stepen uspostave informacionog sistema upravljanja predmetima Pravobranilaštva BiH.

Navedeno je predstavljeno u tabeli B.

Tabela B

Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj
Srednjoročni cilj				Pravobranilaštvo BiH	Procenat riješenih predmeta u korist BiH u odnosu na ukupan broj riješenih predmeta
Unapređenje zaštite imovine i imovinskih interesa BiH	Specifični cilj			Pravobranilaštvo BiH	Procenat riješenih predmeta u korist BiH u odnosu na ukupan broj riješenih predmeta
	Unapređenje zaštite imovine i imovinskih interesa BiH	Program 1.		Pravobranilaštvo BiH	Procenat riješenih predmeta u odnosu na ukupan broj predmeta u radu
		Zaštita imovine i imovinskih interesa BiH	<u>Projekt 1.1.</u> Zastupanje BiH i njenih institucija pred sudovima i drugim nadležnim organima	Pravobranilaštvo BiH	Procenat riješenih predmeta u odnosu na ukupan broj primljenih predmeta u toku godine
			<u>Projekt 1.2.</u> Davanje pravnih mišljenja	Pravobranilaštvo BiH	Procenat datih mišljenja u odnosu na ukupan broj podnesenih zahtjeva za mišljenje
		<u>Projekt 1.3</u> Uvođenje i implementacija informacionog Sistema upravljanja predmetima Pravobranilaštva BiH i praćenja prihoda Pravobranilaštva BiH	Pravobranilaštvo BiH	Stepen uspostave informacionog sistema upravljanja predmetima	


  
**PRAVOBRANILAC**  
**BOSNE I HERCEGOVINE**  
*Marija Štetić*  
**Dr. sc. / smet. Velic**